


6

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY

SEP 28 1956

T8911/1914





加子參同卷五

地形第十 蘇老泉曰此篇與九變篇互相發明

孫子曰地形有通者有掛者有支者有隘者有

險者有遠者我可以往彼可以來曰通通形者

先居高陽利糧道以戰則利可以往難以返曰

掛掛形者敵無備出而勝之敵若有備出而不

勝難以返不利我出而不利彼出而不利曰支

支形者敵雖利我我無出也引而去之令敵

臨海大學叢書  
四書御珍錄

王鳳洲曰欲戰先審地形以立勝前所論山水斥澤平陸未盡故又以通掛支隘險遠為將之至任不可不察

袁了凡曰地有六形兵有六敗先兩起文平意串末段發明之樞不出地形者兵之助向意

孫子參同卷五

地形第十

蘇老泉曰此篇與九變篇互相發

哈佛大學哈佛燕京圖書館珍藏印



孫子曰地形有通者有掛者有支者有隘者有

險者有遠者我可以往彼可以來曰通通形者

先居高陽利糧道以戰則利可以往難以返曰

掛掛形者敵無備出而勝之敵若有備出而不

勝難以返不利我出而不利彼出而不利曰支

支形者敵雖利我我無出也引而去之令敵半

得地之利尤  
必得人之用  
故述兵形  
非天地之災  
見地形必隨  
人為利害

出而擊之利。隘形者我先居之必盈之以待敵。若敵先居之盈而勿從不盈而從之險形者我先居之必居高陽以待敵若敵先居之引而去之勿從也。遠形者勢均難以挑戰戰而不利。凡此六者地之道也將之至任不可不察也。故兵有走者有弛者有陷者有崩者有亂者有北者。凡此六者非天地之災將之過也。天勢均以一擊十曰走。卒強吏弱曰弛。吏強卒弱曰陷。大吏

總括一篇

知字應上察  
道字應上地  
之道也  
道也二句

怒而不服遇敵懟而自戰將不知其能曰崩。將弱不嚴教道不明吏卒無常陳兵縱橫曰亂。將不能料敵以少合衆以弱敵強兵無選鋒曰北。凡此六者敗之道也將之至任不可不察也。夫地形者兵之助也。料敵致勝計險阨遠近上將之道也。知此而用戰者必勝不知此而用戰者必敗。故戰道必勝。主曰無戰必戰可也。戰道不勝。主曰必戰無戰可也。故進不求名退不避罪。

此專為兵有  
大敗言之應  
上將之過也  
句

應地形者兵  
之助句又搃  
語全篇

唯民是保而利於主國之寶也。視卒如嬰兒，故  
可與之赴深谿。視卒如愛子，故可與之俱死。愛  
而不能令，厚而不能使，亂而不能治，譬如驕子，  
不可用也。知吾卒之可以擊，而不知敵之不可  
擊，勝之半也。知敵之可擊，而不知吾卒之不可  
以擊，勝之半也。知敵之可擊，知吾卒之可以擊，  
而不知地形之不可以戰，勝之半也。故知兵者，  
動而不迷，舉而不窮。故曰：知彼知己，勝乃不殆。

知天知地，勝乃可全。

通形者，先居高陽，利糧道。

四通利戰之地。先據高陽，坐以致敵。

也。亦慮敵不赴戰，必使餉道無阻，不為敵所  
致也。裴行儉討突厥，際晚下營，塹壘方周，忽  
令移就崇岡。是夜風雨暴至，前設營所，水  
深丈餘，可見高陽不惟便戰，亦免水患。

掛形者，敵無備，出而勝之；敵若有備，出而不

勝，難以返。

險阻錯互，與敵犬牙相制，動有掛礙者，必察之。敵情無備，一舉勝之。

敵不得復邀我歸路矣。若其有備，出而復克，  
敵守險截我歸路，我欲戰則不可留，欲歸則  
不得返，非所利也。如韓信、張耳、擊趙、李左車  
說成安君曰：井陘之道，車不得方軌，騎不得

成列願假臣兵三萬絕其輜重彼進不得戰退不得歸不旬日而兩將之頭可致麾下此有備之說也成安君不用其計韓信一戰破之則無備之驗也又如鄧艾破蜀山高谷深艾以氊自裹轉推而下將士皆攀木緣崖魚貫而進蜀竟無備遂破成都若其有備艾豈復有歸路也

支形者敵雖利我我無出也引而去之令敵

半出而擊之利各守險固以相支持則先出者失險敵若設利誘我慎無

出逐我當佯北引去誘其來追俟其半出行列未定擊之可也唐輔公佑偽將馮惠亮陳當世領水軍屯于博望山河間王孝恭率步騎軍于青州孝恭堅壁不戰出奇兵斷其糧

支形甚確

道縱羸兵以攻賊壘使盧祖尚率精騎列陣以待之俄而攻壘者敗走賊出追遇祖尚軍遂大敗

險形者我先居之險峻之地尤不可後人若敵已據則難與爭矣唐太宗

宗先據武牢以待竇建德是也

遠形者勢均難以挑戰營壘相去既遠勢力又均若挑戰則我勞

彼佚不可也如後周逼齊齊將段韶禦之時大雪之後周人以步卒為前鋒從西而下去城二里諸將欲逆擊之韶曰步人氣力勢自有限今積雪既厚逆戰非便不如陳以待之彼勞我佚破之必矣既而交戰周之前鋒盡殪

卒強吏弱曰弛。弛壞也。長慶初命田布帥魏

易之數萬人皆乘驢行營布不能禁居數月欲合戰兵士潰散

大吏怒而不服。大吏次將也。晉伐秦荀偃行

瞻樂厲怒曰晉國之命。未。有。是。也。遂。棄。而。歸。

將弱不嚴。教道不明。吏卒無常。陳兵縱橫曰

亂。楚。蕩。越。及。諸。侯。之。師。救。州。來。吳。公。子。光。曰。

帥賤而不能整無大威。命楚可敗也。楚師果敗。

兵無選鋒曰北。凡戰必用精銳為前鋒。若齊

姬光之智大  
都類此

漢有三河俠士劍客奇材。吳謂之解煩。齊謂

之。決命。唐謂之跳盪。是也。晉武時羌陷涼州。

司馬督馬隆募勇士三千。腰引弩三十六鈞。

弓四鈞。立標簡試軍。西渡溫水。虜樹機能以

萬眾遏隆。隆依八陣法。且戰且前。弓矢所入

皆應弦而倒。謝玄北鎮廣陵。劉牢之以驍勇

應募。百戰百勝。號為北府。兵。敵。人。畏。之。所。向。必。克。也。

視卒如愛子。吳起與士卒最下者同衣食。分

一詭

一真



注妙堪誦

張預曰行師  
越境審地形  
而立勝故次  
行軍

譬如驕子不可用也

黃石公曰士卒可下而不可驕陰符經曰害生

於恩故恩不可專用罰不可獨行專用恩則驕而不可使此曹公所以割髮而自刑卧龍所以垂泣而行戮楊素所以流血盈前而言笑自若李靖所以十殺其三使畏我而不畏敵也獨行罰則士不親附而不可用此勾踐所以投醪醉三軍楚子所以温言司挾纊吳起所以分衣食闔閭所以同勞佚也以此觀之知善用恩威矣

魏武帝曰地形者欲戰先審地形以立勝也

以戰則利寧致人無致于人

也隘形者兩山之間通谷也敵勢不得撓戰我先居之必前

齊隘口陳而守之以出奇若敵先居此地齊

口陳勿從也即半隘陳者從之而與敵共此

利可矣險形者地險隘尤不可致於人也挑

戰迎敵也走者不料力也弛者吏不能統卒

故弛壞也陷者吏強欲進卒弱輒陷敗也大

吏小將也崩者大將怒小將小將心不厭服

忿而赴敵不量輕重則必崩壞也譬如驕子

恩不可專施罰不可獨任也李卓吾曰前

言爲將不通九變之利。則雖知地形。必不能得地之利。故遂言行軍。必先察地形。而稱引四軍之利。乃黃帝之所以勝四帝者。然特泛言處山處水。處斥澤與處平陸之軍耳。未詳及通掛支隘險遠六地之形也。故分別而詳著之。以謂將之至任。不可以不察焉。唯是走弛陷崩亂北六者。乃將之過。非地之災。不可以歸咎於地形之不察也。故復言地形爲兵

少

融會少

之助。唯料敵致勝之上將。自能計遠近險阨。而用戰必勝。而終之以知彼知己。知天知地。焉。知吾卒之可勝。知敵之可以勝。知彼知己也。知卒之可勝。知敵之可以勝。又知吾地形之可以戰。知天知地也。將而知天知地也。則其勝全矣。故下篇遂言九地。夫地形無不知。然後運兵計謀爲不可測。無所往而不得地之利也。宜矣。

孫子參同

卷五

孫子參同卷五

七

參考

谷戰即徑文  
所謂隘形

○武侯問曰。左右高山。地甚狹迫。卒遇敵人擊之。不敢去。之不得。為之奈何。起對曰。此謂谷戰。雖眾不用。募吾材士。與敵相當。輕足利矢。以為前行。分車列騎。隱於四旁。相去數里。無見其兵。敵必堅陳。進退不敢。於是出旌列旆。行出山外。觀之。敵人必懼。車騎挑之。勿令得休。此谷戰之法也。

得支形之義

○武侯問曰。暴寇卒來。掠吾田野。取吾牛羊。則如之何。起對曰。暴寇之來。必慮其強。善守勿應。彼將暮去。其裝必重。其心必恐。還退務速。必有不屬。追而擊之。其兵可覆。

王鳳洲曰欲  
戰之地有九  
善用兵者能  
随机变化

袁了凡曰九地  
原無定形雖散  
地輕地亦可作  
死地此篇大旨  
在存後之亡地  
然後存陷之死  
地然後生二句  
疊言三不得已  
皆為此

孫子曰用兵之法有散地有輕地有爭地有交  
地有衢地有重地有圯地有圍地有死地諸侯  
自戰其地者為散地入人之地而不深者為輕  
地我得亦利彼得亦利者為爭地我可以往彼  
可以來者為交地諸侯之地三屬先至而得天  
下之眾者為衢地入人之地深背城邑多者為  
重地山林險阻沮澤凡難行之道者為圯地所

九地第十一

起句貫下一篇

蘇老泉曰上言地形之常此言地勢之變  
言尤懇切

之法四字起  
地生於兵者  
也

用兵之法有  
此九地即有  
此九法  
善用兵者惟  
古人

待敵

由入者隘所從歸者迂。彼寡可以擊吾之衆者。爲圍地。疾戰則存。不疾戰則亡者。爲死地。是故散地則無戰。輕地則無止。爭地則無攻。交地則無絕。衢地則合。交重地則掠。圯地則行。圍地則謀。死地則戰。古之善用兵者。能使敵人前後不相及。衆寡不相恃。貴賤不相救。上下不相收。卒離而不集。兵合而不齊。合於利而動。不合於利而止。敢問：敵衆整而將來，待之若何？曰：先奪其

為客

所愛，則聽矣。兵之情：主速，乘人之不及，由不虞之道，攻其所不戒也。凡為客之道：深入則專，主不克，掠於饒野，三軍足食，謹養而勿勞，并氣積力，運兵計謀，為不可測。投之無所往，死且不北。死焉不得，士人盡力，兵士甚陷，則不懼。無所往則固，入深則拘，不得已則鬪。是故其兵不修而戒，不求而得，不約而親，不令而信，禁祥去疑，至死無所之。吾士無餘財，非惡貨也；無餘命，非

投之死地

然後生

惡壽也。令發之日。士卒坐者涕霑襟。偃卧者涕交頤。投之無所往。則諸劇之勇也。故善用兵者。譬如率然。率然者。常山之蛇也。擊其首則尾至。擊其尾則首至。擊其中則首尾俱至。敢問可使如率然乎。曰可。夫吳人與越人相惡也。當其同舟濟而遇風。其相救也。如左右手。是故方馬埋輪。未足恃也。齊勇若一。政之道也。剛柔皆得。地之理也。故善用兵者。携手若使一人。不得已也。

然後生

歸重將軍

將軍之事。靜以幽。正以治。能愚士卒之耳目。使之無知。易其事。革其謀。使人無識。易其居。迂其途。使人不得慮。帥與之期。如登高而去其梯。帥與之深入。諸侯之地。而發其機。若驅羣羊。驅而往。驅而來。莫知所之。聚三軍之衆。投之於險。此將軍之事也。九地之變。屈伸之利。人情之理。不可不察也。凡爲客之道。深則專。淺則散。去國越境而師者。絕地也。四通者。衢地也。入深者。重地

再言為客以  
申上意

衢重輕圍死

五者皆為客  
之道故九地  
中摘而言之  
重振起九地  
之利害而務  
全其勝

前已陳此三  
事而復云者  
為不知九地  
者言

全篇主意至  
此明言出

也。入淺者。輕地也。背固前隘者。圍地也。無所往  
者。死地也。是故散地。吾將一其志。輕地。吾將使  
之屬。爭地。吾將趨其後。交地。吾將謹其守。衢地  
吾將固其結。重地。吾將繼其食。圯地。吾將進其  
途。圍地。吾將塞其闕。死地。吾將示之以不活。故  
兵之情。圍則禦。不得已則鬪。過則從。是故不知  
諸侯之謀者。不能豫交。不知山林險阻。沮澤之  
形者。不能行軍。不用鄉導者。不能得地利。四五

者。一不知。非霸王之兵也。夫霸王之兵。伐大國  
則其眾不得聚。威加於敵。則其交不得合。是故  
不爭天下之交。不養天下之權。信己之私。威加  
於敵。故其城可拔。其國可隳。施無法之賞。懸無  
政之令。犯三軍之眾。若使一人。犯之以事。勿告  
以言。犯之以利。勿告以害。投之亡地。然後存。陷  
之死地。然後生。夫眾陷於害。然後能為勝。敗。故  
為兵之事。在順詳敵之意。并敵一向。千里殺將。

處女脫兔所  
謂奇正相注  
如環之無端  
太史公稱田  
軍用兵如是

是故巧能成事。是故政舉之日，夷關拆符，無通

其使，厲於廊廟之上，以誅其事。敵人開闔，必丞

入之。先其所愛，微與之期，踐墨隨敵，以決戰事。

是故始如處女，敵人開戶，後如脫兔，敵不及拒。

諸侯自戰其地者，為散地。戰於境內，士內顧而易散也。如鄆人

軍於郊，恃近其城，莫有鬪志，為楚所敗是也。

我得亦利，彼得亦利者，為爭地。險固之處，務在必爭。如孫

劉之荊州，楚漢之關，是也。

諸侯之地三屬。我與敵相當，而旁有他國。如鄭界於齊楚，晉是也。

先至而得天下之眾者，為衢地。沛公先入關，秦民惟恐其

不為王也。及楚拔成臯，酈生說漢王曰：「陛下進取滎陽，據敖倉之粟，塞成臯之險，以示諸

侯形制之勢，則天下知所歸矣。此二者，漢得天下之大勢也。

散地則無戰。吳王問孫武曰：「散地無戰，則必固守。若敵攻我小城，掠吾田野，

禁吾樵採，塞吾要道，待吾空虛而來，急攻則如之何？」武曰：「敵人深入，專志輕鬪，吾兵安土

以陳，則不堅；以戰，則不力。當集人聚穀，保城備險，輕兵絕其糧道，彼挑戰不得，轉輸不至。

野無所掠，三軍困餒，因而誘之，可以有功。若欲野戰，則必因勢依險，設伏無險，則隱於陰



晦出其不意  
襲其懈怠

輕地則無止

吳王曰始入敵境士卒思還難進易退未背險阻三軍恐懼則

如之何武曰以入為務無以戰為故無近其名城無由其通路設疑佯惑示若將去乃選其精騎啣枚先入掠其六畜三軍見得進乃不懼分吾良卒密有所伏敵人若來擊之勿疑若其不至捨之而去

爭地則無攻

吳王曰形勝之地敵人先至據要保利則如之何武曰爭地之

之法讓之者得求之者失敵得其處慎勿攻之趨其所愛敵必出救分兵設伏人欲我與人棄我取此爭先之道也若我先至而敵用此術則選吾銳卒固守其所輕兵追之分伏

險阻敵人還鬪伏兵旁起此全勝之道也

交地則無絕

吳王曰交地我不絕敵敵先圖之彼可得而來我不得而往眾

寡又均則如之何武曰既我不可往彼可以來則分卒匿之守而勿怠示其不能敵人且至設伏隱廬出其不意

衢地則合交

吳王曰衢地必先至若我道遠發後至不能先柰何武曰諸侯

三屬其道四通必先重幣交親旁國兵雖後至眾已屬矣我得眾助彼失其黨觭角攻之莫知所當越王問戰於申包胥曰越國南則楚西則晉北則齊春秋皮幣玉帛子女以賓服焉未嘗敢絕求以報吳申包胥曰善哉茂以加矣遂伐吳滅之

吳付空談

越行實事

圯地則行

少固之地。勢無所依。則別據險要。

吳王曰。吳多步卒。漢皆車騎。車騎利平地。步

兵利險阻。願大王所過城邑。勿攻直去。疾西

據洛陽。武庫食敖倉粟。阻山河之險。以令諸

侯。雖無入關。天下固已定矣。大王徐行。留

城邑。漢車騎馳入梁楚之郊。則事敗矣。吳王不聽。果敗。

圍地則謀。吳王曰。前有強敵。後有險隘。絕我

糧道。利我出走。敵鼓噪不進。以觀

我能柰何。武曰。我入圍地。必塞其闕。示無所

往。則萬人同心。三軍齊力。乃并炊數日。無見

烟火。故為毀亂。寡弱之形。敵備必輕。則告勵

士卒。奮怒陳伏。左右險阻。擊鼓而出。敵人若

當疾擊。務突我則前鬪。後拓左右。犄角也。王

曰。敵在吾圍。伏而深謀。示我以利。縈我以旗。

紛紜若亂。不知所之。柰何。武曰。千人操旌。分

塞要道。輕兵進挑。陳而勿搏。交而勿去。此敗

謀之法也。

法也。

法也。

法也。

法也。

法也。

法也。

法也。

法也。

法也。

法也。

法也。

法也。

法也。

我怪其文已  
是唐人氣習

死地則戰

李衛公曰。左谷右山。束馬懸車之

未整而強敵忽臨。進無所息。退無所固。求戰

不得。自守莫安。駐則日月稽留。動則首尾受

敵。野無水草。軍乏資糧。馬困人疲。智窮力屈。

一人守險。萬夫莫向。如彼要害。敵先據之。如

此之利。我已失守。若此死地。疾戰則存。不疾

戰則亡。須上下同心。併氣一力。抽腸濺血。一

死於前。此則因敗為

功。轉禍為福之計也。

先奪其所愛。則聽矣。

奪其所顧愛。必專注救

漢人口角開  
口便是

足食之策堪  
入條議

王圻註曰雖  
欲死焉不可  
得士人必盡  
力求生亦通

救

聽我所為如姜維救麴城魏將  
先奪牛頭山遂不戰而歸是也

深入則專慮故心志專一趙廣武君謂韓信

去國遠鬪其鋒不可當司馬宣王謂

諸葛恪卷甲深入其鋒難敵是也

三軍足食酈生說漢王曰知天之天者王業

可成王者以民為天民以食為天

敖倉積粟甚多楚拔滎陽不守敖倉此天所

以資漢也漢王遂守之轉漕關中未嘗乏絕

又如張詠知益州屯兵三萬無半月之食察

知民間廩有餘積而苦鹽貴乃聽民以米易

鹽食遂不乏郭子儀還河中親耕百畝

士卒競勸於是野無曠土軍有餘糧

併氣積力王翦伐楚楚悉國中兵以禦之翦

堅壁不戰日休士而撫循之久之

問軍中戲乎曰方投石超距翦曰可矣一舉

而滅楚蓋深入敵境未見可勝之利必養積

全力取勝於一戰也

死焉不得人人死戰何所不得尉繚子曰一

非一人之獨勇萬人皆不

肖也必死與必生不侔也

率然者常山之蛇也率然速也昔諸葛於平

溫見之曰此常蛇勢即九軍陣法也四

頭八尾觸處為首敵衝其中首尾俱救

交地吾將謹其守上言交地無絕此又言謹

之是也

圍地。吾將塞其闕。凡圍師必闕。所以開其生路。使不堅戰也。若我受敵

圍。必塞其闕。令士卒有必死之心。如齊神武

為爾朱兆所圍。闕其一角。神武連繫牛驃。自

塞之。士卒無出路。四面奮擊。大破朱兆兵。

不得已則鬪。過則從。死地求生。不得不鬪。不得已之過極。則聽從。吾

計也。漢班超至鄯善。謂其屬曰。今在絕域。欲

立大功。以求富貴。虜使到數日耳。而王禮貌

即廢。有如收吾屬。送匈奴。骸骨長為豺狼食

矣。吏卒皆曰。危亡之地。死生皆從。司馬超乃

令十人持鼓藏虜舍後。約曰。見火皆鳴鼓。大呼。餘人悉持弓弩。夾門而伏。超順風縱火。虜

激法妙

大驚亂盡殄滅之

伐大國。則其眾不得聚。威加於敵。則其交不

得合。如秦謂魏曰。吾攻趙。旦暮且下。諸侯敢救者。必移兵先伐之。魏懼不敢救。是也。

離其交。削其權。則已之威益信。

故下文云。其城可拔。國可隳。

施無法之賞。縣無政之令。吳子敗北者。有賞。馬隆未戰先賞。是

法外之賞也。李愬襲元濟。初出。眾請所向。曰。

東六十里止。至張柴村。諸將請所止。曰。蔡州。

是政外之令也。

先其所愛。微與之期。先奪其愛。必微示之期。使其趨之。我乃後發而

出奇

孫子參同  
先至也。故曰  
爭地趨其後。

踐墨隨敵以決戰事。

兵雖用變用奇始終必守繩墨。吳王使孫子教

婦人戰。左右前後跪起皆中規矩繩墨是也。

魏武帝曰。九地。欲戰之地有九也。散地。士卒

戀土。道近易散也。輕地。士卒皆輕返也。爭地。

可以少勝衆弱。擊強也。交地。道里相交錯也。

三屬。我與敵相當。而旁有他國也。衢地。先至

得其國助也。重地。難返之地也。圯地。少固也。

死地。前有高山。後有大水。進則不得退。則有

礙也。爭地。無攻不當攻。當先至爲利也。交地。

無絕。相交屬也。衢地。合交結諸侯也。重地。則

掠。蓋積糧食也。圯地。則行無稽留也。圍地。則

謀。發奇謀也。死地。則戰。殊死戰也。卒離而不

集。暴之使離。亂之使不齊。勒兵而戰也。先奪

其所愛者。奪其所恃之利也。若先據利地。則

我所欲必得矣。謹養勿勞。并氣積力者。養士

此釋甚詳明

專執持難不  
如權變巧利

靜者動之伴  
故漁溪主靜

氣并兵力。爲不可測度之計也。死焉不得士  
死焉不得也。士人盡力在難地。心并也。不懼  
者。士陷在死地。則意專。不懼也。則拘。專也。則  
鬪。人窮則死鬪也。不求而得。不求索其意而  
自得也。禁祥去疑。禁妖祥之言。去疑惑之計  
也。非惡貨惡壽者。棄財致死。非得已也。涕沾  
襟。交頤者。皆持必死之計也。方馬。縛馬也。埋  
輪。恃不動也。此言專難不如權巧也。靜以幽

正以治。謂清淨幽深平正也。能愚士卒。愚誤  
也。民可與樂成。難與慮始也。莫知所之。一其  
心也。人情之理。見利而進。遭難而退也。使之  
屬。使相交屬也。趨其後。地利在前。當速進其  
後也。繼其食。掠彼也。進其途。疾過也。塞其闕。  
一其心也。示之以不活。勵士也。圍則禦。相持  
禦也。不得已則鬪。勢有不得已者也。過則從。  
備之甚過。則從計也。四五者。謂九地之利害。

兵體萬變即  
賞罰亦然

甚合巧字

或曰。上四五事也。不爭天下之交者。不結成  
天下諸侯之權也。絕天下之交。奪天下之權。  
故威得伸而自私。施無法之賞。懸無政之令。  
言法令不可豫施。懸之。司馬法曰。見敵作誓。  
膺功作賞也。犯者用也。言明賞罰。雖用衆若  
使一人然也。能爲勝敗。必殊死戰也。詳敵。詳  
審也。或曰。彼欲進。設伏而退。彼欲去。開而擊  
之。并敵一向者。先示之以閒空虛弱之處。敵

則并向而利之。雖千里可擒其將也。是謂成  
事之巧矣。是故謀定則閉關梁。絕其符信。勿  
使通使。誅治也。敵人開闔。必亟入之。有間隙  
當急入之也。先其所愛。據便利也。微與之期。  
後人發。先人至也。踐墨隨敵。以決戰事。行踐  
繩墨。總無常也。處女。示弱也。脫兔。往疾也。  
李卓吾曰。地形雖多。九地足以盡之矣。故先  
言九地之害。與處九地之常法。然古之善用

甚融甚捷

兵者能使敵人前後不相及。衆寡不相恃。貴賤不相救。上下不相收。卒離而不集。兵合而不齊。是故伐大國則其衆不得聚。威加于敵則其交不得合。其爲霸王無敵之兵如此。又何有於九地之變乎。况吾之兵。又唯恐不投之於死地者。蓋爲客之道。深入則專。甚陷則不懼。不得已則鬪。投之無所往則死。且不北。故其兵不修而戒。不求而得。不約而親。不令

而信。如常山之蛇。率然而首尾俱至。如吳越人之同舟。遇風。雖彼此相惡。率然而相救也。如左右手。則雖方馬埋輪。專難如此。且不足恃矣。故曰。投之亡地然後存。陷之死地然後生。夫唯衆陷于害。然後能爲勝敗。非虛言也。但人情見利則進。遭難則退。故九地之變。屈伸之利。人情之理。不可不察耳。若先使之知之。又誰肯甘心而自投於死地乎。夫民至愚

妙



也。可與樂成。難與慮始。是故施無法之賞。懸無政之令。用之以事。不告以言。用之以利。不告以害。然則聚三軍之衆。而投之于險者。信將軍之事矣。故復言散地。吾將一其志。輕地。吾將使之屬。圍地。吾將塞其闕。死地。吾將示之以不活。則可知也。率然者。率然而自至也。如手足之捍頭目。不謀而親。不約而會。率然而然。莫知其所以然而然也。此九地之利。不可以不察也。

參考

卓吾子曰。我可以往。彼可以來者。爲交地。故述交地。入人之地。背城邑多者。爲重地。故述深入。

武王曰。吾與敵人臨境相拒。彼可以來。我可以往。陣皆堅固。莫敢先舉。我欲往而襲之。彼可以來。爲之奈何。太公曰。分兵三處。令我前

此地便合支  
掛兩形者

合得交地無  
絕吾將謹其  
守二意

多方誤之

以疾擊勝

深入之若濟  
渡最急故首  
論及之

軍深溝增壘而無出。列旌旗擊鞀鼓完爲守。備令我後軍多積糧食無使敵人知我意。發我銳士潛襲其中擊其不意攻其無備。敵人不知我情則止不來矣。武王曰敵人知我之情通我之機動則得我事。其銳士伏于深草。要我隘路擊我便處爲之柰何。太公曰令我前軍日出挑戰以勞其意令我老弱曳柴揚塵鼓吹而往來或出其左或出其右去敵無

過百步其將必勞其卒必駭如此則敵人不  
敢來吾往者不止或襲其內或擊其外三軍  
疾戰敵人必敗

### 右交地

武王曰引兵深入諸侯之地遇深溪大谷險  
阻之水吾二軍未得畢濟而天暴雨流水大  
至後不得屬于前無有舟梁之備又無水草  
之資吾欲畢濟使二軍不稽留爲之柰何太

全以器械勝  
故曰器械不  
利以其率予  
教也

公曰。凡帥師將衆。慮不先設。器械不備。教不  
精。信士卒不習。若此。不可以爲王者之兵也。  
凡三軍有大事。莫不習用器械。攻城圍邑。則  
有輶輶臨衝。視城中。則有雲梯飛樓。三軍行  
止。則有武衝大櫓。前後拒守。絕道遮衝。則有  
材士強弩。衛其兩傍。設營壘。則有天羅地落。  
行馬蒺藜。晝則登雲梯。遠望立五色旌。旗夜  
則設火雲萬炬。擊雷鼓。振鼙鐸。吹鳴笳。越溝

塹。則有飛橋轉關。輓轡鉏鋤。濟大水。則有天  
潢飛江。逆波上流。則有浮海絕江。三軍用備。  
主將何憂。

武王曰。引兵深入諸侯之地。與敵之軍相當。  
兩陳相望。衆寡強弱相等。未敢先舉。吾欲令  
敵人將帥恐懼。士卒心傷。行陳不固。後陳欲  
走。前陳數顧。鼓譟而乘之。敵人遂走。爲之柰  
何。太公曰。如此者。發我衆去寇十里而伏其

設疑

兩傍車騎百里而越其前後。多其旌旗。益其金鼓。戰合鼓譟而俱起。敵將必恐。其軍驚駭。衆寡不相救。貴賤不相待。敵人必敗。武王曰。敵之地勢。不可以伏其兩傍。車騎又無以越其前後。敵知我慮。先施其備。我士卒心傷。將帥恐懼。戰則不勝。爲之柰何。太公曰。誠哉。王之間也。如此者。先戰五日。發我遠候。往視其動靜。審候其來。設伏而待之。必于死地。與敵

設伏

相避。遠我旌旗。疎我行陳。必奔其前。與敵相當。戰合而走。擊至二三里而還。伏兵乃起。或陷其兩傍。或擊其前後。三軍疾戰。敵人必走。武王曰。引兵深入諸侯之地。與敵相當。而天太寒甚暑。日夜霖雨。旬日不止。溝壘悉壞。隘塞不守。斥侯懈怠。士卒不戒。敵人夜來。三軍無備。上下惑亂。爲之柰何。太公曰。凡三軍以戒爲固。以怠爲敗。令我壘上。誰何不絕。人執

深入則寒暑  
霖雨必不免  
者

外向以候敵  
人之來慎處  
以防敵人之  
衝  
以逸待勞變  
害為主之法

算更精密

旌旗內外相望。以號相命。勿令乏音。而皆外  
向。三千人爲一屯。誠而約之。各慎其處。敵人  
若來。視我軍之警戒。至而必還。力發氣息。發  
我銳士。隨而擊之。武王曰。敵人知我隨之。而  
伏其銳士。佯北不止。遇伏而還。或擊我前。或  
擊我後。或薄我壘。吾三軍大恐。擾亂失次。離  
其處所。爲之柰何。太公曰。分爲三隊。隨而追  
之。勿越其伏。三隊俱至。或擊其前後。或陷其

兩傍。明號審令。疾擊而前。敵人必敗。

武王曰。引兵深入諸侯之地。與敵相守。敵人  
絕我糧道。又越我前後。吾欲戰。則不可勝。欲  
守。則不可久。爲之柰何。太公曰。凡深入敵人  
之地。必察地之形勢。務求利便。依山林險阻。  
水泉林木。而爲之固。謹守關梁。又知城邑丘  
墓地形之利。如是。則我軍堅固。敵人不能絕  
我糧道。又不能越我前後。武王曰。吾三軍過

此專為絕道  
計算

武衝大車名  
大軍曰踵軍

大林廣澤平易之地。吾候望誤失。卒與敵人相薄。以戰則不勝。以守則不固。敵人翼我兩傍。越我前後。三軍大恐。爲之奈何。太公曰。凡帥師之法。當先發遠候。去敵二百里。審知敵人所在。地勢不利。則以武衝爲壘。而前又置兩踵軍。於後遠者百里。近者五十里。卽其警急。前後相救。吾三軍常完堅。必無毀傷。武王曰。引兵深入諸侯之地。與敵人衝軍相

當。敵衆我寡。敵強我弱。敵人夜來。或攻吾左。或攻吾右。三軍震動。吾欲以戰則勝。以守則固。爲之奈何。太公曰。如此者。謂之震寇。利以出戰。不可以守。選吾材士強弩車騎爲左右。疾擊其前。急攻其後。或擊其表。或擊其裏。其卒必亂。其將必駭。武王曰。敵人遠遮我前。急攻我後。斷我銳兵。絕我材士。吾內外不得兩聞。三軍擾亂。皆敗而走。士卒無鬪志。將吏無

此是夜戰之策

守心爲之柰何。太公曰：明哉王之問也。當明號審令，出我勇銳，冒將之士，人操炬火，二人同鼓，必知敵人所在，或擊其表裏，微號相知。令之滅火，鼓音皆止，中外相應，期約皆當。三軍疾戰，敵必敗亡。

武王曰：引兵深入諸侯之地，卒遇敵人，甚衆且武，武車驍騎繞我左右，吾三軍皆震走，不可止爲之柰何。太公曰：如此者，謂之敗兵，善

按此篇名敵武言與武勇相敵也

二條俱以伏兵勝

者以勝不善者以亡。武王曰：用之柰何。太公曰：伏我材士強弩，武車驍騎爲之左右，常去前後三里，敵人逐我，發我車騎衝其左右，如此則敵人擾亂，吾走者自止。武王曰：敵人與我車騎相當，敵衆我少，敵強我弱，其來整治精銳，吾陳不敢當爲之柰何。太公曰：選我材士強弩，伏於左右，車騎堅陳而處，敵人過我，伏兵積弩射其左右，車騎銳兵疾擊其軍，或

此是處山之  
兵

棲如鳥棲不  
得下也凶如  
微因不得出  
也

擊其前。或擊其後。敵人雖衆。其將必走。  
武王曰。引兵深入諸侯之地。遇高山磐石。其  
上亭亭。無有草木。四面受敵。吾三軍恐懼。士  
卒迷惑。吾欲以守則固。以戰則勝。爲之柰何。  
太公曰。凡三軍處山之高。則爲敵所棲。處山  
之下。則爲敵所囚。旣以被山而處。必爲烏雲  
之陳。烏雲之陳。陰陽皆備。或屯其陰。或屯其  
陽。處山之陽。備山之陰。處山之陰。備山之陽。

烏雲一作烏  
雲烏飛雲合  
聚散不定

此是處澤之  
兵

處山之左。備山之右。處山之右。備山之左。敵  
所能陵。兵備其表。衢道通谷。絕以武車。高置  
旌旗。謹勅三軍。無使敵人知吾之情。是謂山  
城。行列已定。士卒已陳。法令已行。奇正已設。  
各置衝陳於山之表。便兵所處。乃分車騎爲  
烏雲之陳。三軍疾戰。敵人雖衆。其將可擒。  
武王曰。引兵深入諸侯之地。與敵人臨水相  
拒。敵富而衆。我貧而寡。踰水擊之。則不能前。



欲久其日。則糧食少。吾居斥鹵之地。四旁無  
邑。又無草木。三軍無所掠取。牛馬無所芻牧。  
爲之奈何。太公曰。三軍無備。牛馬無食。士卒  
無糧。如此者。索便詐敵。而亟去之。設伏兵於  
後。武王曰。敵不可得而詐。吾士卒迷惑。敵人  
越我前後。吾三軍敗而走。爲之奈何。太公曰。  
求途之道。金玉爲寶。必因敵使。精微爲寶。武  
王曰。敵人知我伏兵。大軍不肯濟。別將分隊。

按八陣法有  
左古衝有雲  
雷風火龍虎  
鳥蛇

関尹子曰雲  
之卷舒鳥之  
飛翔皆在空  
虛中所以變  
化不測

以踰於水。吾三軍大恐。爲之奈何。太公曰。如  
此者。分爲衝陳。便兵所處。須其畢出。發我伏  
兵。疾擊其後。強弩兩旁。射其左右。車騎分爲  
鳥雲之陳。備其前後。三軍疾戰。敵人見我戰  
合。其大軍必濟水而來。發我伏兵。疾擊其後。  
車騎衝其左右。敵人雖衆。其將可走。凡用兵  
之大要。當敵臨戰。必置衝陳。便兵所處。然後  
以車騎分爲鳥雲之陳。此用兵之奇也。所謂

共此險阻之  
利分而守之

鳥雲者。鳥散而雲合。變化無窮者也。

武王曰。引兵深入諸侯之地。與敵人相遇於險阨之中。吾左山而右水。敵右山而左水。與我分險相拒。吾欲以守則固。以戰則勝。爲之奈何。太公曰。處山之左。急備山之右。處山之右。急備山之左。險有大水無舟楫者。以天潢濟吾三軍。已濟者。亟廣吾道。以便戰。所以武衝爲前後。列其強弩。令行陣皆固。衢道谷口。

以武衝絕之。高置旌旗。是謂軍城。凡險戰之法。以武衝爲前。大櫓爲衛。材士強弩翼吾左右。三千人爲屯。必置衝陳。便兵所處。左軍以左。右軍以右。中軍以中。並攻而前。已戰者。還歸屯所。更戰更息。必勝乃已。

右深入

卓吾子曰。政舉之日。夷關拆符。無通其使。旣無通其使矣。設有陰符。陰書。稱緊急君命而

符以合信陰  
秘也謂之陰  
符當不止尺  
寸之分

來者當如之何。故述陰符陰書。

武王曰：引兵深入諸侯之地，三軍卒有緩急，或利或害，吾將以近通遠，從中應外，以給三軍之用，爲之柰何？太公曰：主與將有陰符，凡八等。有大勝克敵之符，長一尺；破軍擒將之符，長九寸；降城得邑之符，長八寸；却敵報遠之符，長七寸；警衆堅守之符，長六寸；請糧益兵之符，長五寸；敗軍亡將之符，長四寸；失利

亡士之符，長三寸。諸奉使稽留者，若符亭聞泄者，皆誅之。八符者，主將秘聞，所以陰通言語，不泄中外相知之術。

武王曰：引兵深入諸侯之地，主將欲合兵行無窮之變，圖不測之利，其事煩多，符不能明，相去遼遠，言語不通，爲之柰何？太公曰：諸有陰事太慮，當用書，不用符。主以書遺將，將以書問主，書皆一合而再離，三發而一知，再離

者。分書爲三部。三發而一知者。言三人。人操一分。相參而不使知情也。此謂陰書。

右陰符陰書。

或問卓吾子曰。踐墨隨敵。以決戰事。何謂也。曰。踐墨者。節制之師。教習於平日。所謂校計索情。豫修吾必可勝之道。善保吾不可勝之法。而爲將之所受於君者。是也。隨敵者。因利制權。初無定勢。隨敵盈縮。臨時變化。所謂預

設。不得先傳。不得而爲將之所自出。雖將亦不得而知者。是也。既不得而知。故不得而言。則凡所言者。可知矣。是以但有墨流傳於世。而人可得而踐之也。

得此妙解諸  
說可盡付祖  
龍矣

既流傳矣猶  
是墨耶



王鳳洲曰葉  
水心云以大  
攻用間考之  
疑孫子亦有  
未盡之書  
衰了凡曰火  
攻之功捷矣  
非不戰而屈  
之本意也故  
以此為下策  
此篇備道以  
火佐攻之法  
而倦于死  
者不可復生  
其意只在安

火攻第十二

蘇老泉曰火攻于孫子為下策



孫子曰。凡火攻有五。一曰火人。二曰火積。三曰  
火庫。四曰火庫。五曰火隊。行火必有因。煙火必  
素具。發火有時。起火有日。時者。天之燥也。日者。  
月在箕壁翼軫也。凡此四宿者。風起之日也。凡  
火攻必因五火之變而應之。火發於內。即早應  
之於外。火發而其兵靜者。待而勿攻。極其火力  
可從而從之。不可從則止。火可發於外。無待於

五火之變我  
與敵共我攻  
人必防人攻  
我固必知其  
交以數守之  
數即時日星  
宿風起風止  
之度數也

四字一篇主意

火攻前古未  
有此註紀所  
由起與後焚  
燒之慘立意  
甚遠

內以時發之火發上風無攻下風晝風久夜風  
止凡軍必知五火之變以數守之故以火佐攻  
者明以水佐攻者強水可以絕不可以奪夫戰  
勝攻取而不修其功者凶命曰費留故曰明主  
慮之良將修之非利不動非得不用非危不戰  
主不可以怒而興師將不以可以愠而致戰合  
於利而動不合於利而止怒可以覆喜愠可以  
復悅亡國不可以復存死者不可以復生故曰

明主慎之良將警之此安國全軍之道也

一曰火人

吳起曰凡軍居荒澤草木幽穢可  
焚而滅或敵眾我寡難以力勝者

則火其人自魯桓公世焚鉅野之咸丘始以  
火田後遂有五火之變以佐取勝如赤壁之  
戰曹兵舳艫千里連環而下周瑜命黃蓋以  
舟載燥荻枯柴偽稱糧儲投入曹中因而熾  
火焚燒殆盡諸葛武侯與藤甲軍戰其甲皆  
編藤灌油為之刀矢不入力倦則浮甲渡水  
而去莫如之何武侯曰凡利於水  
者不利於火縱火焚之片甲無存

二曰火積

焚其蓄積使乏食也漢高與項羽  
相持使劉賈渡白馬津燒楚積聚

羽由此食

盡而敗

外人

火輜火庫火隊

車載衣裝在道未止曰輜營壘已定貨有舍藏曰庫器械

戰具曰仗許攸謂曹公曰袁紹輜重有萬餘輛屯軍不嚴以輕兵襲之出其不意焚其積聚不過三日袁紹自敗公大喜選精騎五千皆用袁氏旗幟人嚼枚馬縛口從間道進人抱束薪所過途路有問者語之曰袁公恐曹操抄掠後軍遣兵以益備聞者以為信然皆自若既至圍屯大放火悉燒其輜重營中驚亂因大破之王猛伐燕慕容評率兵四十萬為持久之計猛遣步兵五千夜從間道起火燒評輜重於晉山火見鄴中因而滅之

行火必有因

因風因夜因燥旱因奸人內應因草莽因無備也皇甫嵩保長

社黃巾賊圍之兵少而恐嵩曰兵有奇變不在眾寡今賊依草結營易為縱火其夕大風可以得志乃約厲士卒皆策苣乘城使銳士間出圍外縱火大呼城上舉燎應之嵩鼓而奔其陣遂大破之益州牧羅尚遣隗伯攻蜀賊子雄于鄆城雄使朴泰誑尚為內應以火為期尚信之遣隗伯率精兵從泰擊雄泰以長梯倚城而舉火伯軍爭緣梯泰盡斬之雄放兵內外擊之

煙火必素具

艾蒿荻葦薪芻膏油之屬皆須預備兵法有火箭火簾火杏火

兵火獸火禽火盜火弩皆非臨時所能具也如諸葛欲火魏兵先於葫蘆谷設茅屋草堆伴積糧草豫藏引火之物是也

火發於內則早應之於外

借火勢以攻敵及其驚亂而擊之若

江道火難田  
卑火牛段詔  
火弩皆素具  
者

馬燧李陵善  
避火本太公  
法

應之不早。火闌衆定。則無功也。唐馬燧討田悅。悅踰橋掩其後。因風縱火。燧乃坐甲。令無動。命前除草。斬荆棘。廣百步。以爲陣。勇力五千。人分爲前列。以俟賊至。比悅軍至。則火止。氣乏力衰而敗。此但知用火而不能早應者也。

火發兵靜者。待而勿攻。敵先有備。火不能亂。寵征吳。勅諸將曰。今夕風甚猛。賊必來燒營。宜預爲之備。諸軍皆警。夜半賊果來燒營。寵掩擊破之。

火可發於外。無待於內。上文云。火發於內。此言無待於內。所謂五火之變也。如吳王既會潢池。越聞愈章恐齊宋之爲已害也。乃命王孫雄先與勇獲帥徒師以爲過。賓於宋。焚其北郭焉。而過之。是火發於彼。使敵不得邀我歸路也。宋張齊賢居契丹遙。見火光中有旗幟。謂且并兵至。引去。齊賢追擊。敗之。

火發上風。無攻下風。隋江東賊劉元進攻王世充於延陵。令把草東方。因風縱火。俄而迴風。悉燒元進營。軍人多死。

引事的確

必知五火之變。以數守之。火動物也。得風則之者。千變萬化。再推星纏之度數。與風起風止之數。守候行之。以我攻人。亦防人攻我。消息行事也。天文志。箕壁軫翼四宿好風。月離此者。必多風。常以雞羽八兩掛五文竿上。占

考証甚詳



風所從來則知用火之法

水可以絕不可以奪水可以絕敵人之軍取一時之勝不若火能奪

妙

人之成業使之滅亡如韓信囊沙決水斬楚將龍且是一時之勝也班超焚虜使收鄯善

等國是奪其國都也一本作水可以絕火可以奪謂敵以水灌我我可以絕之如智伯灌

妙

趙襄子於晉陽襄子夜殺守隄吏決水下灌智伯是也敵以火焚我我可以奪之如單于

焚李陵於大澤陵先放火燒斷葭葦奪其火勢是也此說於變字甚合但篇名火攻自當借水以見火功之大水不及火故詳於火而畧於水

夫戰勝攻取而不修其功者凶命曰費畱戰所

以勝攻所以取者有水火之助也水火所以能破軍殺將者士卒之力也不修舉有功而賞之凶咎之道也財竭師老而不得歸費畱之謂也

赤辭過來人必知端的者

魏武帝曰火攻者以火攻當擇時日也行火

必有因因姦人也煙火必素具燒具也火發

於內則早應之於外以兵應之於外也火發

上風無攻下風不便也晝風久夜風止數當

然也故以火助攻者明取勝明也水可以絕

不可以奪水但能絕其糧道分敵軍不可奪

慎矣哉三字  
詩孫子本意

其蓄積費留者。若水之留。不復還也。或曰。費不以時。但費留也。賞善不踰時。故戰勝攻取。而不修其功者。凶。李卓吾曰。火發而其兵靜者。則待而勿攻。極其火力而從之。不可從。則止。而勿從。慎矣哉。火攻之法也。火發於內。則以兵應之於外。若火可發於外。則又無待於內矣。但貴以時耳。故五火之變。有數存焉。皆不可不知也。

參考

此專論火戰

武王曰。引兵深入諸侯之地。遇深草叢穢。周吾軍前後左右。三軍行數百里。人馬疲倦。休止。敵人因天燥疾風之利。燔吾上風。車騎銳士。堅伏吾後。吾三軍恐怖。散亂而走。爲之柰何。太公曰。若此者。則以雲梯飛樓。遠望左右。謹察前後。見火起。卽燔吾前。而廣延之。又燔吾後。敵人苟至。則引軍而却。按黑地而堅處。

救敗之兵  
負即是勝

敵人之來。猶在吾後。見火起。必遠走。吾按黑地而處。強弩材士衛吾左右。又燔吾前後。若此。則敵不能害我。武王曰。敵人燔吾左右。又燔吾前後。煙覆吾軍。其大兵按黑地而起。為之柰何。太公曰。若此者。為四武衝陳。強弩翼吾左右。其法無勝亦無負。

用間第十三

王鳳洲曰。用兵必先。用間以知敵情。然後前十二篇之條款。動不忒。筭。

袁了凡曰。興師必先。爭勝必先。知敵情。先用間。五間反必始。於反。

孫子曰。凡興師十萬。出征千里。百姓之費。公家之奉。日費千金。內外騷動。怠於道路。不得操事者。七十萬家。相守數年。以爭一日之勝。而愛爵祿百金。不知敵之情者。不仁之至也。走人之將也。非主之佐也。非勝之主也。故明君賢將。所以動而勝人。成功出於眾者。先知也。先知者。不可取於鬼神。不可象於事。不可驗於度。必取於人。

謂頭。怒。教。人。極。深。極。厚。

知敵之情者也。故用間有五：有因間，有內間，有反間，有死間，有生間。五間俱起，莫知其道，是謂神紀。人君之寶也。因間者，因其鄉人而用之；內間者，因其官人而用之；反間者，因其敵間而用之；死間者，為誑事於外，令吾間知之而傳於敵間也。生間者，反報也。故三軍之事，莫親於間，賞莫厚於間，事莫密於間。非聖智不能用間，非仁義不能使間。非微妙不能得間之實。微哉微哉。

無所不用間也。間事未發而先聞者，間與所告

莫密於

者皆死。凡軍之所欲擊，城之所欲攻，人之所欲

殺，必先知其守將、左右、謁者、門者、舍人之姓名。

令吾間必索知之。必索敵間之來，間我者，因而

莫親於

利之導而舍之。故反間可得而用也。因是而知

莫厚於

之故，鄉間內間可得而使也。因是而知之，故死

間為誑事，可使告敵。因是而知之，故生間可使

如期。五間之事，主必知之。知之必在於反間，故

伊呂非間人  
夏殷實由以  
亡謂之間也  
亡可其諸異  
乎人之間與

註好

反間不可不厚也。昔殷之興也，伊摯在夏，周之興也，呂牙在殷，故明君賢將，能以上智為間者，必成大功。此兵之要，三軍所恃而動也。

因間

因敵之鄉人，厚撫而用之。如韋孝寬以金帛啗齊人，而齊人遙通書疏，故齊之動靜，皆先知之。時有主帥許益，孝寬委以心膂，令守一城，益乃以城東入。孝寬怒，令謀取之，俄斬首而還，其能致物情如此。

內間

敵之官人有賢而失職者，有過而被刑者，有寵嬖而貪財者，有屈在下位者，有不得任使者，有欲因敗喪以求展已之才能者，有反覆變詐，常持兩端之心者，皆可潛通

畫策六妙

妙用

厚賂結之，使為內間。如越賂太宰嚭，吳納子胥，曹操用許攸，漢高結項伯是也。唐太宗討竇建德，凌敬說建德曰：「悉兵濟河，攻取懷州，河陽使重將居守，更率眾鳴鼓建旗，踰太行，入上黨，先聲後實，傳檄而定，漸趨壺口，稍駭蒲津，收河東之地，此上策也。」行必有三利：一則入無人之境，師有萬全；二則拓土得兵；三則鄭圍自解。建德將從之。王世充陰以金玉啗其計將，以亂其謀。因曰：「凌敬書生耳，豈可與言戰乎？」建德遂謝敬策，不從而敗。反間，敵有間來，則厚利以啗之，偽情以示之，或留之，使言其情，或縱之，偽報我事，則反為我用也。如班超發于闐兵，擊莎車龜茲，揚言兵少，不敵罷散，乃陰緩生口，歸告龜茲，王大喜，不設備。超即勒兵馳赴，大破降之。岳飛知劉豫結粘罕，而兀術惡劉豫，可以間而

岳侯勝陳平  
速矣妙絕

貸死得死

陰用其言而  
顯戮其身誦

何物神奇乃  
尔

動會軍中得兀術謀者飛佯責之曰汝非吾  
軍中人張斌耶吾向遣汝至齊約誘致四太  
子汝往不復來吾繼遣人問齊已許我今冬  
以會合寇江為名致四太子于清河汝所持  
書竟不至何背我耶謀與緩死即詭服乃作  
蠟書言與劉豫同謀誅兀術事因謂謀曰吾  
今貸汝復遣至齊問舉兵期封股納書戒勿  
泄謀歸以書示兀術兀術大驚馳白其主遂  
廢豫

死間。佯為虛詐之事。令吾間知之。而傳泄於  
敵。事乖必死也。宋時曹太尉嘗貸人死。  
使偽為僧。吞蠟彈入西夏。至則為其所囚。僧  
以彈告。即下之。開讀。乃所遺彼謀臣書也。戎  
王怒。誅其臣。并殺間僧。鄭武公欲伐胡。先以  
其子娶胡。因問羣臣曰。吾欲用兵。誰可伐。大

夫關其思曰。胡可伐。武公怒而戮之。曰。胡兄  
弟之國。子言伐之。何也。胡君聞之。以鄭為親  
已不備。鄭  
襲而取之。

生間。以不意中。間其骨肉君臣。而間者得以  
生。還反報。如范雎入秦。永巷。左右曰。王  
來。雎曰。秦安得王。臣在山東時。但聞有太后。  
穰侯。涇陽。華陽。不聞其有王。於是秦徙太后。  
廢穰侯。逐涇陽。華陽焉。隋時達奚武為東秦  
刺史。時齊神武趣沙苑。太祖遣武覘之。武從  
三騎。皆衣敵人衣。日暮。歷敵營。若警夜者。有  
不如法者。往往撻之。具知敵情。以告太祖。太  
祖深嘉焉。遂破之。

非聖智不能用間。非仁義不能使間。上言五  
間不可

少。此言五間不易用。歸重在主將也。晉豫州刺史祖逖之鎮雄州。愛人下士。雖疎交賤隸。皆恩禮厚遇之。河上堡因先有任子在胡者。皆聽兩屬時遣遊軍偽抄之。明其未附。諸塢王感戴。胡有異言。輒密以聞。故前後克獲焉。李達為都督義州弘農等二十一防諸軍事。每厚撫境外之人。為謀間。敵中動靜。必先知之。至有事泄被誅戮者。亦不以為悔。其得人心也。如此。

非微妙不能得間之實

我用間亦防反為敵使如秦間不得趙奢

之實情楚間不能得陳平之實情必淵微精妙之將始察其真偽也

間事未發而先聞者。間與所告者皆死。

間泄其事

此着尤要緊

有人首告者。俱殺之。以滅口。軍機貴密也。

姓名必令吾間必索知之。

欲潛入其軍必熟知用事者之姓名

則可隨機應卒如宋華元夜登子反之床以劫楚盟若非素知左右之姓名何由得登其床也

必索敵人之間來問我者。

我令間往來必備知敵情不如因彼

間來曲為引誘啗以大利威以大刑自非大忠必反為我用矣既知敵情四間皆因此而可用故下文獨重反間

魏武帝曰。用間者。戰必先用間。以知敵情也。

七十萬家  
總  
有着落

不得操事者。七十萬家。古者八家爲鄰。一家  
從軍。七家奉之。故十萬之師。舉不事耕稼者。  
七十萬家也。不可取於鬼神者。不可祭祀而  
求也。不可象于事者。不可以事類而求也。不  
可驗於度者。不可以事數而求也。必取於人。  
知敵之情者。因間人也。因時任用五間人。君  
之寶。是謂神紀矣。孰知其道哉。故非聖智不  
能用間。非仁義不能使間。非微妙不能得間。

與註引用事  
實不重一節

之實也。導而舍之。舍。居止也。伊摯。伊尹也。呂  
牙。呂望也。李卓吾曰。因間者。雖敵之人。而  
於我有鄉里故舊之親。如魏武之於韓遂。亦  
其一例也。內間者。敵之內人也。如信陵得如  
姬。便能竊符以救趙也。魏王雖非信陵之敵。  
然趙決不可不救。而魏王雖萬端說之。而不  
聽。則比之敵人。又爲甚矣。或曰。卽爲官於敵  
者。是亦敵內之人也。反間者。卽敵間之來間。



死間至有如  
要離焚妻子  
者

勘破

我者反而用我之間以間敵也。生間則生而反可以報我。若死間則且以誑吾間而使之傳於敵間矣。可生反乎。如酈食其已說齊撤去守備。韓信復襲齊。使齊烹酈食其。又其一例也。然信實可以不用襲齊。酈食其實可以不用死間。信之此舉其與無知名無勇功。又不知相去幾千萬里矣。卒以誅夷不亦宜歟。或曰漢高帝白登之圍。用陳平秘計。貽單于

是

闕氏絕妙圖形。即得圍解。是亦內間之事也。夫間事未發而先聞。聞與所告者皆死。夫一先聞即時皆死矣。間事又可得聞乎。間之密何如耶。故曰事莫密於間。

參考

卓吾子曰。先知者不可取於鬼神。不可象於事。不可驗於度。必取於人。知敵之情者也。即此觀之。則三軍之事莫急於用間矣。故以用

間終焉。取於鬼神者，祭祀祈禱也。象於事者，事類推求也。驗於度者，卜筮占驗也。故曰：用兵之道，盡在於人事。彼鬼神等，不過詭道奇謀，因以便於使貪使愚云耳。其實必以先知彼已爲急也。苟知已而不知彼，又何以勝敵而制其命乎？故用間要矣。今述如左。

太宗曰：田單詭神怪而破燕，太公焚書龜而滅紂，二事相反，何也？靖曰：其機一也。或逆而

取之，或順而行之，是也。昔太公佐武王，至牧野，遇雷雨，旗鼓毀折，散宜生欲卜吉而後行。此則因軍中疑懼，必假卜以問神焉。太公所謂腐草枯骨，無足問。且以臣伐君，豈可再乎？然觀散宜生發機於前，太公成機於後，逆順雖異，其理致則同。臣前所謂術數不可廢者，蓋存其機於未萌也。及其成功，在人事而已矣。

神机是兵机

以用間為先  
知之本便十  
子鄭重若專  
用以間激便  
是未着

卓吾子曰。用間篇說出用間事。十分鄭重。言  
不如此。則是視民命如糞壤。以安危為兒戲  
矣。安得不先知敵人而為之間乎。然李衛公  
反以用間為不得已何哉。今亦具述于左。  
太宗曰。昔唐儉使突厥。卿因擊而敗之。人言  
卿以儉為死間。朕至今疑焉。靖再拜曰。臣與  
儉比肩事主。料儉說必不能柔服。故臣因縱  
兵擊之。所以盡大忠。不顧小義也。人謂以儉

為死間。非臣之心。按孫子用間。最為下策。臣  
嘗著論其末云。水能載舟。亦能覆舟。或用間  
以成功。或憑間以傾敗。若束髮事君。當朝正  
色。忠以盡節。信以竭誠。雖有善間。安可用乎。  
唐儉小義。陛下何疑。太宗曰。誠哉。非仁義不  
能使間。此豈纖人所能為乎。周公大義滅親。  
况一使人乎。灼無疑矣。

卓吾子曰。殷之興也。伊摯在夏。周之興也。呂

事與韓信同  
心與周公一  
此處徵矣哉

牙在殷。夫伊呂以大聖而爲殷周用。殷周天下。一六百載。一八百載。誰之力歟。伊相湯。又相太甲。中間歷事外丙仲壬。以及居桐復辟。則不但闔外之事。伊得專之。伊實專殷權。興廢大事。咸其自主矣。至太甲思庸。伊乃明農。曰。臣罔以寵利居成功。則亦氣匱力竭。歿將至。而後肯乞休也。若呂尚者。八十而始遇文王。文王薨。又不知幾年歲矣。乃佐武王。至于

一十三載之久。然後借兵盧戎諸國。伐商而有天下。則呂至是。又是百有年歲人也。然呂卒受齊封。猶然不遺餘力。富國強兵。不辭老。不憚勞。與煩。則此二老者。又何其功成而不止耶。雖曰成湯與尹。咸有一德。武亦以呂爲三朝元老。太公所望。以興周之人。始終敬禮。未嘗少衰。然爲伊呂者。亦不宜如此貪位而固權勢也。故黃石公作三略。以授子房。獨諄

伊使人不疑  
呂浮天之壽  
一雙奇品應  
得並論

尚論極難此  
殆見二公於  
地下

切於功成之戒云。由此觀之。伊呂是一樣人。  
黃石是一樣人。故子房尊敬黃石。獨不受封。  
而辟穀。有以也。此非可以優劣論也。所見各  
不同也。然中略之言。非專謂臣下居功者設。  
蓋專爲君上者謀。欲其先收臣下之權。以保  
全有功之臣耳。則黃石公實自老子而來。伊  
尹呂尚又實自軒轅而來。彼此主意各自不  
同也。後人不知。乃以黃老並稱。失其旨矣。故

因論用間。而并述中略之語。以告成功之君。  
又因以告夫人臣者。功成名遂。身退。是則天  
道。不可不以爲鑒。而自免耳。否則韓彭蒯醢。  
蕭何繫獄。雖欲自免。又可得乎。故謹錄黃石  
分以備參考。

黃石公曰。夫人之在道。若魚之在水。得水而  
生。失水而歿。故君子者。常懼而不敢失道。豪  
傑秉職。國威乃弱。殺生在豪傑。國勢乃竭。豪

至人言自不  
同

全功保身多  
少人不識此  
握起盡付一  
聲長嘆

傑低首。國乃可久。殺生在君。國乃可安。  
黃石公曰。三略爲衰世作。人臣深曉中略。則  
能全功保身。夫高鳥歿。良弓藏。敵國滅。謀臣  
亡。亡者非喪其身也。謂奪其威。廢其權也。封  
之于朝。極人臣之位。以顯成功。中州善國。以  
富其家。美色珍玩。以說其心。夫人衆一合而  
不可卒離。權威一與而不可卒移。還師罷軍。  
存亡之階。故弱之以位。奪之以國。是謂霸者。

之略。故霸者之作。其論駁也。存社稷。羅英雄。  
者。中略之勢也。故勢主秘焉。

太宗曰。漢高祖能將將。其後韓彭見誅。蕭何  
下獄。何故如此。靖曰。臣觀劉項。皆非將將之  
君。當秦之亡也。張良本爲韓報仇。陳平韓信  
皆怨楚。不用。故假漢之勢。自爲奮爾。至于蕭  
曹樊灌。悉由六命。高祖因之以得天下。設使  
六國之後復立。人人各懷其舊。則雖有能將。

快心之論古  
往今來不可  
無

論到洞心透  
骨吾回想見  
其人

將之才。豈爲漢用哉。臣謂漢得天下。由張良借箸之謀。蕭何漕輓之功也。以此言之。韓彭見誅。范增不用。其事同也。臣故謂劉項皆非將將之君。

### 六書參考

武王問太公曰。引兵深入諸侯之地。遇大林。與敵分林相拒。吾欲以守則固。以戰則勝。爲之柰何。大公曰。使吾三軍分爲衝陳。便兵所

處。弓弩爲表。戟楯爲裏。斬除林木。極廣吾道。以便戰所。高置旌旗。謹勅三軍。無使敵人知吾之情。是謂林戰。林戰之法。率吾矛戟。相與爲伍。林間木疎。以騎爲輔。戰車居前。見便利戰。不見便則止。林多險阻。必置衝陳。以備前後。三軍疾戰。敵人雖衆。其將可走。更戰更息。各按其部。是謂林戰之紀。

司馬法曰。順天阜財。擇衆利地。右兵。是謂五

順天者奉陰  
陽寒暑之時  
阜財者因粮  
于敵憚眾者  
勉而若之若  
順也利地在  
守險右兵在  
得弓矢戈戟  
之用見敵與  
我相半是兩  
相當不可輕  
舉

慮順天奉時阜財因敵憚眾勉若利地守隘  
險阻右兵弓矢禦及矛守戈戟助凡五兵五  
當長以衛短短以救長迭戰則久皆戰則強  
見物與侷是謂兩之主固勉若視敵而舉將  
心○心○也○眾○心○心○也○馬○牛○車○兵○佚○飽○力○也○教○惟  
豫戰惟節將軍身也卒支也伍指拊也  
武侯問吳起曰今秦脇吾西楚帶吾南趙衝  
吾北齊臨吾東燕絕吾後韓據吾前六國之

兵四守勢甚不便憂此柰何起對曰夫安國  
家之道先戒為寶今君已戒禍其遠矣

尉繚子曰凡兵制必先定制先定則士不亂  
士不亂則刑乃明金鼓所指則百人盡鬪陷  
行亂陳則千人盡鬪覆軍殺將則萬人齊刃  
天下莫能當其戰矣古者士有什伍車有偏  
列鼓鳴旗麾先登者未嘗非多力國士也先  
歿者亦未嘗非多力國士也損敵一人而損

發前人未



我百人。此資敵而損我甚焉。

又將理曰。凡將理官也。萬物之主也。不私于一人。夫能無私于一人。故萬物至而制之。萬物至而命之。君子不救囚于五步之外。雖鉤矢射之。弗追也。故善審囚之情。不待箠楚而囚之情可畢矣。笞人之背。灼人之脇。束人之指。而訊囚之情。雖國士有不勝其酷。而自誣矣。今世諺云。千金不歿。百金不刑。試聽臣之

切中

可矜

言。行臣之術。雖有堯舜之智。不能關一言。雖有萬金。不能用一銖。今夫決獄。小囹不下十數。中囹不下百數。大囹不下千數。十人聯百人之事。百人聯千人之事。千人聯萬人之事。聯之者。親戚兄弟也。其次婚姻也。其次知識故人也。是農無不離田業。賈無不離肆宅。士大夫無不離官府。如此關聯良民。皆囚之情也。兵法曰。十萬之師出。日費千金。今良民十

萬而聯於囹圄。上不能省。臣以爲危也。

又治本曰。凡治人者何。曰。非五穀無以充腹。非絲麻無以蓋形。故充腹有粒。蓋形有縷。夫在芸耨。妻在機杼。民無二事。則有儲蓄。夫無雕文刻鏤之事。女無繡飾纂組之作。木器液金器腥。聖人飲於土。食於土。故埏埴以爲器。天下無費。今也。金木之性。不寒而衣繡飾。馬牛之性。食草飲水。而給菽粟。是治失其本。而

論飢寒之由  
與賈誼治安  
策畧同

宜設之制也。春夏夫出於南畝。秋冬女練於布帛。則民不困。今短褐不蔽形。糟糠不充腹。失其治也。古者土無肥瘠。人無勤惰。古人何得。而今人何失。耶。耕有不終畝。織有日斷機。而柰何饑寒。蓋古治之行。今治之止也。夫謂治者。使民無私也。民無私。則天下爲一家。而無私耕。私織。共寒其寒。共饑其饑。故如有子十人。不加一飯。有子一人。不損一飯。焉有喧

此之下訂今  
之小業

呼醜酒以敗善類乎。野物不爲犧牲。雜學不爲通儒。今說者曰：百里之海不能飲一夫。三尺之泉足止三軍渴。臣謂欲生於無度。邪生於無禁。太上神化。其次因物。其下在於無奪。民時無損民財。夫禁必以武而成。賞必以文而成。

又戰權曰：兵法曰：千人而成權。萬人而成武。權先加人者。敵不力交。武先加人者。敵無威。

決勝在已理  
有固然

神明心也知  
進退存亡之  
道則不在必  
往而有功若  
輕進敵反制  
我則勝在敵  
矣

從敵之求見  
情而後加兵  
弱則陵之以  
喪其威定計  
廟堂受命專  
制銳氣深入

接故兵貴先勝於此則勝彼矣。弗勝於此則弗勝彼矣。凡我往則彼來。彼來則我往。相爲勝敗。此戰之理然也。夫精誠在乎神明。戰權在乎道之所極。故知道者必先圖。不知土之敗惡在乎必往有功。輕進而求戰。敵復圖止我往而敵制勝矣。故兵法曰：求而從之。見而加之。主人不敢當而陵之。必喪其權。高之以廊廟之論。重之以受命之論。銳之以踰垠之

所謂權武也

論則敵國可不戰而服。

孫子參同卷五 終



